

**OSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
KANTONALNI ŠTAB CIVILNE ZAŠTITE**

Broj: 15-40-4-3326-18/20  
Bihać, 31.03.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06, 43/10), člana 29. Pravilnika o načinu rada i funkcioniranja štabova i povjerenika civilne zaštite ("Službene novine Federacije BiH", broj: 77/06, 05/07 i 42/14), te Odluke o proglašenju stanja prirodne nepogode na području Unsko-sanskog kantona broj: 03-017-1532/2020 od 20.03.2020.godine Kantonalni štab civilne zaštite na sjednici održanoj dana 31.03.2020.godine, donosi:

**N A R E D B U**

I

Naređuje se kantonalnoj Službi za zbrinjavanje ugroženih i stradalih Crvenog križa Unsko-sanskog kantona da u cilju ublažavanja posljedica izazvanih Corona virusom (Covid 19) da:

- postavi trijažne šatore ispred zdravstvenih ustanova na području USK-a,
- podjeli humanitarnu pomoć socijalno ugroženim kategorijama stanovništva,
- pruži kućnu pomoć starijim i iznemoglim licima,
- pruži psihosocijalnu podršku stanovništvu u vezi s pojavom novog Corona virusa (Covid-19),
- otvori telefonske linije za pružanje pomoći nabavke osnovnih sredstava za život građanima starijim od 65 godina,
- organizuje akcije dobrovoljnog darivanja krvi na području Unsko-sanskog kantona.

II

Naređuje se kantonalnoj Službi za spašavanje sa visina – GSS stanica Bihać, da službi iz tačke 1. ove Naredbe pruži podršku u ljudstvu i materijalno-tehničkim sredstvima u izvršenju njenih zadataka.

III

Evidenciju o angažovanju pripadnika i vremenu njihovog angažovanja vodiće rukovodioci službi.

IV

Za provođenje ove Naredbe odgovorni su rukovodioci Službe za zbrinjavanje ugroženih i stradalih Crvenog križa Unsko-sanskog kantona i Službe za spašavanje sa visina – GSS stanica Bihać.

V

Ova Naredba stupa na snagu danom donošenja.

